





15^e Aoust 9

DECLARATION DV ROY,

Portant permission & tollerance pour six
mois, de l'exposition des especes d'or
& d'argent Estrangeres, suiuant les
prix contenus en ladite Declaration.

*Leuë, publiée, & registrée en la Cour de Par-
lement le 13. iour d'Aoust 1635.*



A PARIS,

Chez SEBASTIEN CRAMOISY, Imprimeur
ordinaire du Roy, & es Monnoyes,
ruë S. Iacques, aux Cicognes.

M. DC. XXXV.

AVEC PRIVILEGE DV ROT.

p

Case

F

39

326

1635 FA



DECLARATION DV ROY,

*Portant permission & tolerance
pour six mois , de l'exposition
des especes d'or & d'argent Es-
trangeres , suivant les prix
contenus en ladite Declara-
tion.*

LO VIS par la gra-
ce de Dieu Roy de
France & de Nauar-
re ; A tous ceux qui
ces presentes Lettres verront,
Salut. A Y A N T parnos Let-
A ij

tres de Declaration du 19.
Feurier dernier , par manie-
re de prouision seulement ,
& en attendant la reformation
generale des Monnoyes, per-
mis & tolleré l'exposition de
routes les especes d'or & d'ar-
gent , pour le prix & valeur
declaré au dessus des figures
des especes , estans en vn ca-
hier attaché sous le contreseel
desdites Lettres de Declara-
tion , pour auoir cours & mi-
se dans tout nostre Royaume,
pays , terres & seigneuries de
nostre obeissance ; tant entre
nos Sujets & autres, que dans
tous les Bureaux des Receptes
de nos deniers; Nous aurions

esté contrainsts d'en differer
l'execution , à cause de la guer-
re , & des grandes & puissan-
tes Armées que nous sommes
obligez d'entretenir à cette
occasion. Et dautant que no-
stre intention particuliere a
toujours esté de chercher en
cela le soulagement de nos Su-
jets autant qu'il nous a esté
possible : Et voulant faciliter
& conseruer le Commerce
entre nosdits Sujets , pour la
tollerance de l'exposition des
monnoyes Estrangeres , & les
redimer de la perte qu'ils sont
contrainsts de supporter en
changeant lesdites especes Es-
trangeres (qu'ils reçoient de

la vête de leurs denrées & marchandises) contre celles qui ont cours, & qu'ils sont obligez de fournir. A CES CAUSES ayant fait mettre cette affaire en deliberation en nostre Conseil, où assistoient nostre tres-cher Frere le Duc d'Orleans, autres Princes, Officiers de nostre Couronne, & autres grands & notables Personnages; De l'aduis d'iceluy, & de nostre pleine puissance & autorité Royale, Nous auons par ces presentes signées de nostre main, par maniere de prouision seulement, & sans tirer à consequence, permis & tolleré, permettons & tollerons pour

six mois , à commencer au
 quinzième iour d'Aoust pro-
 chain , l'exposition des Pisto-
 les d'Espagne , pour huit li-
 vres six sols , de celles d'Italie
 pour huit livres deux sols , &
 des demies à proportion ; Des
 Jacobus d'Angleterre à dix li-
 vres , des Riddes de Flandres
 qui portent vn Cavalier , à dix
 livres , des Albertus de Flan-
 dres à cent sols , des Ducats à
 deux testes à dix livres , des
 Reaux de huit carrez & des
 ronds , mesmes des Philippes-
 dales & Patagons de Flandres
 pour cinquante sols , des Du-
 catons de Milan , Florence ,
 Parme , Plaisance , Gennes ,

Venise, Sauoye, & autres d'Italie, pour cinquante six sols, des Testons de Lorraine où est empreinte la figure du Duc, pour quatorze sols, de ceux du Cardinal pour treize sols, des pieces de Liege pour vingt-six sols, de celles de Frize pour vingt-huict sols, de celles de Zelande pour trente sols, & des petites pour deux sols, & de celles de Flandres pour trois & six sols, des pieces de cinq sols d'Auignon pour lesdits cinq sols; A condition neantmoins que des payemens qui seront faicts entre particuliers, excédant trois mil liures, il y au-

ra au moins moitié en monnoye de France, ou Pistoles d'Espagne, vn quart en douzains, & l'autre quart en monnoye d'or ou d'argent Estrangere, au prix cy dessus. Defendons tres-expressément à toutes personnes d'exposer toutes lesdites monnoyes d'or & d'argent à plus haut prix, à peine de confiscation desdites monnoyes qui auront esté exposées, ou de la valeur d'icelles, & de cinq cens liures d'amende pour la premiere fois; de confiscation desdites monnoyes ou valeur d'icelles, & de mil liures d'amende pour la seconde fois; & de confisca-

tion de corps & de biens pour la troisieme fois. SI DONNONS en mandement à nos amez & feaux Conseillers les Gens tenans nostre Cour de Parlement de Paris , de faire registrer ces presentes purement , pour ce fait estre à la diligence de nostre Procureur general en icelle , & ses Substituts , publiées à son de trompe & cry public, & affichees des copies par tout où besoin sera , afin qu'aucun n'en pretende cause d'ignorance, & qu'il soit procedé extraordinairement contre les contrevenans à icelles , & par les peines y contenuës ; Car tel est nostre plaisir. En témoin

dequoy nous auons fait mettre nostre Seel à celsdites presentes. DONNEES à Chantilly le dernier iour de Iuillet l'an de grace mil six cens trente cinq, & de nostre Regne le vingt-sixiesme.

Signé, LOVIS. Et sur le reply, Par le Roy, DELOMENIE. Et sceellées sur double queue du grand Seel en cire iaune.

Leuës, publiées & registrées, ouy & ce requerant le Procureur general du Roy, pour estre executées, gardées & obseruées selon leur forme & teneur; icelles affichées où besoin sera, & publiées à son de trompe & cry public par

les Carrefours de cette ville de Paris ; des Copies collationnées enuoyées aux Bailliages & Seneschaussées de ce ressort , pour y estre parcillement registrées , publiées , affichées , & executées à la diligence des Substituts dudit Procureur general , qui seront tenus en certifier la Cour au mois. A Paris en Parlement le treizième Aoust mil six cens trente-cinq. Signé, DUTILLET.

L'an mil six cens trente-cinq le quatorzième iour d'Aoust, la Declaration du Roy , & verification d'icelle par la Cour de Parlement contenuës cy-dessus, ont esté leuës & publiées à son de trompe & cry public aux Carrefours & autres

lieux, tant ordinaires qu'extraordinaires de cette ville de Paris, par moy Simon le Duc Juré Crieur en ladite Ville, Preuosté & Vicomté de Paris, accompagné de Mathurin Noiré Juré Trompette, & de deux autres Trompettes: comme aussi a esté ladite Declaration affichée en tous les lieux accoustumez de ladite ville de Paris, à ce qu'aucun n'en pretende cause d'ignorance.

Signé, LE DUC.





